

編號 7 號

【放紙鷂】湯文豪原作

你看該天頂有當多飛上飛下個紙鷂，該紙鷂膠單純個天頂，打扮到像一張靚靚個畫，膠天頂變到像人生個競技場。

逐年十月邊仔，會吹東北風，該就係佢所講个「九降風」，你兜知「九降風」做得做麼个無？該風做得晒柿餅、吹燥米粉。九降風毋會當大，吹起來分人感覺當涼爽！恁樣秋高氣爽个天時，乜當適合放紙鷂。

就像苗栗市公所，逐年就會在後龍溪脣頭个模型飛機場，舉辦放紙鷂个活動，市公所就會特別邀請別隻國家，膠臺灣放紙鷂个協會，大家湊等來共下放紙鷂。佢兜會放兜个古怪个紙鷂，在天頂表演分大家看，像：大魷魚、蜈蚣蟲、會出煙个蒸汽車嘛拉等緊拂尾个車子。還過，會在天頂搖來搖去，走相追、打盤車¹、翻觔斗个紙鷂，當像燕仔在天頂樣，你追佢，佢追你，感覺當生趣。佢兜互相展現出自家團隊所研究出來个紙鷂，看麼儕个紙鷂在天頂較會飛。

市公所會邀請社區對唱歌仔、跳舞有興趣个鄉親，來舞臺頂

展工夫，乜會邀請歌星來唱歌仔；還過有摸彩、有獎徵答送紙鷂、大家共下食客家美食「四炆四炒」个活動，目的就係愛錫還較多个人來現場放紙鷂，愛膠會場搥到較鬧熱兜仔。

其實，不管哪兩時，總愛有起風，就做得放紙鷂。還記得佢讀小學个時節，阿爸渡佢去河壩脣个草坪放紙鷂，阿爸膠線繩在紙鷂頂高，佢膠紙鷂拿高高，佢就拉等線仔盡命拈向頭前走，該紙鷂就順等風飛起來咧！阿爸講：「手愛緊拉緊放線，紙鷂就會順等風，緊飛緊高。」佢又講：「天頂當像人生競技場，愛用該色目靚靚个紙鷂，來打扮演出，儘量發揮飛个本等，分天頂變成當靚个一幅畫。」阿爸所講个人生道理，分佢感受當深，佢毋會毋記得。

總講一句，人生就像放紙鷂樣，有起有落，佢做得在天頂自由自在飛，起落之間總愛控制好來。總係，線仔愛罉砸罉大條，還過愛拉來穩，一拉一放，膠佢控制好，測著要領²，就毋會梓下來；若係無拉好抑係斷線，就會跌落深坑，蹶毋起來。所以，佢俚定著愛把扼好人生个道路，愛知各人頭頂一遍天，愛煞猛打拚，恁樣正會有較好个成就膠發展。

¹ 打盤車：音 da' pan cha'；側滾翻。

² 測著要領：音 zed do' rhau' liang'；抓到要領。